

AB

38 $\frac{2}{K,12}$

~~10. 11.~~

P. c. 8

10. 11.

~~10. 11.~~
1872

Mask. 4.
2. 17.



EXHORTATIO
DE EXEQVENS
DA CALENDARIi CORRECTONE,
QVAM S. D. N. GREGORIVS XIII. PONT.
MAX. AEDI, PROMVLGARI ET PER ITALIA M
ceterasq; orbis Christiani partes Anno
M.D.lxxxij obseruari mandauit.

AD SACRAM CAESAREAM MAIE-
STATEM, IMPERII ELECTORES AC PRIN-
cipes, ceterosq; status: imprimis verò ad Illustrissimos ac Reueren-
dissimos Principes ac Dominos, D. Ernestum Episcopum Leodien-
sem, Administratorem Hildesheymensem & Freisingensem, Comite-
m Palatinum Rheni & Ducem Bauariae &c. Item D. Iohannem
Uilhelmum, Postulatum Administratorem Monasterien-
sem, Iulia, Clinia & Montium, &c. Ducem hæ-
reditarium, Dominos suos clemen-
tissimos, directa & scripta.

Per Theodorum Graminæum, Philosophiæ Doctorem, I. Licen-
tium, Illustrissimi ac Reuerendissimi Principis ac Domini,
D. Iohannis wilhelmi Administratoris Monaste-
riensis &c, Consiliarium.

DVSSELDORPII
Excudebat Albertus Busius. Anno 1585



757



ILLVSTRISSIMI AC REVE-
rendissimi Principes, Domini
Clementissimi.

REformationem in Ecclesia Dei, qua fidei
& morum integritas per Europam ac pot-
tissimum Germaniam restituatur, propedi-
em expectandam esse, ex Analogia scriptu-
rarum mihi persuasum habeo, atque eius initia iam nos vi-
dere, non temere auguror. Boni enim ominis est, quod Pon-
tifex Maximus pariterque sanctissimus Gregorius xij.
anni metas, Calendarijque Romani terminos vitiatos
& corruptos, corrigendos pristinaeque integritati resti-
tuendos esse serio proposuerit, atque iam per Italiam res-
tituerit. Quod reformationis spem nobis haud modicam
facit, cum, quod Iulij Caesaris atque Augusti aenum, quo
primum ratio praesentis anni instituta est, in nostrae reli-
gionis ac salutis initium incidat, tum verò quod Nice-
na synodus, quae in correctione anni, ac celebritate Pas-
schae constituenda, diligentissime elaboravit, fidem à Chri-
sto & Apostolis traditam 318. Episcoporum sententia
mirificè nobis illustraverit, confirmaverit ac stabiliue-
rit. Eores deuenit & tempore Nicenae synodi, cum anni
vitiati, Calendarijque corrupti correctio, per varia
consilia, quae recensere minime opus est, saepius, frustrata-

A ij men

EXHORTATIO

men attentata ac iam tandem cum Calendarij reformatio à sanctissimo Domino Gregorio xij. primum instituta, ac etiam per Italiam & territorium Romanum introducta sit, adeo vt hoc anno 1583. correcto vtantur, vt proinde ad differentiam veteris anni corrupti, quod hæc correctio per superiorem Germaniam nondum approbata sit, in literis seu scriptis Roma transmissis stylo nouo vtantur, vt nihil aliud expectandum existimem, temporum Analogia consentiente, quàm Ecclesiæ reformationem. Vt illud quoque addam Belgas seu inferiores Germanos (licet mandato ac voluntati sanctiss. Domini Pont. Max. minime paruisse velle videantur, cum decem dies non ad ordinationem Pontificis, sed pro suo arbitratu, vt eorum mos est, qui ab Ecclesia Catholica recesserunt, exemerint) annum etiam correxisse, correcto & reformato vti. Proinde vestras Illustriss. ac Reuerendiss. Celsitudines in correctione anni, sanctissimi Domini Pontificis Maximi ordinationem vt sequantur, hoc scripto hortor et admoneo, communi omnium subditorum Catholicorum nomine. Præterquam enim quod id Christiani orbis Principibus Ecclesiasticis & secularibus, potissimum autem sacræ Cesareæ Maiestati, vt Ecclesiæ Dei aduocato, à sanctissimo D. N. Pont. Max. iniunctum atque delegatum sit, iure ipso Canonico, ad eius obseruationem tenentur atque obligantur omnes Christiani. Nam Victor Papa xij. à Petro, statuit ne membra à capite discrepent, vt
omnes

CORRECT. CALEN:

omnes celebrent festiuitatem Paschæ à xiiij. die Lunæ,
primi mensis. i. Martij, vsque ad vicesimam diem eiusdem
mensis: Cap. Celebritatem, de Consecr. Distinct. ij. Et in
Concilio Arelatensi primo statutum est, vt Paschæ festum
vno die, eodemque tempore per vniuersum orbem celebretur
Cap. de obseruatione eadem distinct. Idem statutum
est, in Concilio Antiocheno Canone I. vt in Conciliorum
Tomo primo. De hac obseruatione habet quoque Ecc
clesiastica Historia libro v. cap. xxij. & sequenti, vbi
refertur fuisse, magnam controuersiam propter auctorita
tem Policarpi, qui tunc erat in humanis, & fuerat discipu
lus beati Ioannis Apostoli & Euangelistæ. Et ipse vo
lebat obseruationem antiquo more. Cum itaque Romæ
ac per vniuersam Italiam Calendarij reformatio facta sit
Paschales termini in debitum locum reducti ac reuocati,
vt reformatio Calendarij vitiati diutius non differatur,
Christianis per totum orbem terrarum incumbit, sed ad
ordinationem S. D. N. Pontific. Maximi, vt reformetur
ac restauretur. Præterquam enim quod Roma sit om
nibus Christianis communis patria, portus & asylum,
in negotijs ad fidem pertinentibus, ad eius vrbis Præsulem
tanquam summum hierarchici ordinis caput, eiusque Ecc
lesie consuetudinem respicere conueniat, etiam ipsa
vrbs & ciuitas Romana in sanguine Petri ita sanctifica
ta est, vt recte & merito Europæa noui testamenti Hye
A ij. ierosolima

EXHORTATIO

ierosolyma dici ac appellari possit, ideoq; non temerè ab eius
 vrbis vsu ac consuetudine recedendum. Nam quid de hac
 Europæa Hyerosolima, eiusque Ecclesia, & fidelium
 congregatione, quæ per Analogiam domui Iudæ respon-
 det, veteres senserint, Abbas Ioachim spiritu prophetis-
 co & reuelationibus clarus, his quæ sequuntur verbis,
 satis declarat: Romana (inquiens) Ecclesia non sicut Iu-
 daea & Græcia in fide refriguit, etsi ab operibus iusti-
 tiæ deuiavit: Quia tamen aliarum respectu sedium, in a-
 trium exterius, quod est foris templum Gentibus datum,
 Solis æterni ciuitas reputatur, semen in ea Dominus be-
 nedictionis reliquit, per quod vsque in finem sæculi filij
 pro patribus surgerent, & indecissam fidei tunicam inter
 mundana dissidia conseruarent. Vnde sequitur: Nisi Do-
 minus exercituum reliquisset nobis semen, quasi Sodoma
 fuisset, & quasi Gomorra similes essemus, Sed non au-
 feretur sceptrum de Iuda, nec dux de femore eius. Genes.
 xlix. Tu es Petrus, & super hanc petram ædificabo Ec-
 clesiam meam, & portæ inferi non præualebunt aduersus
 eam. Ipsa est firmamentum in medio aquarum, Venerunt
 flumina, & flauerunt venti, & impetiuerunt domum
 illam, nec corruit, Fundata enim est supra petram Matth.
 vij. Idcirco Spiritus Domini illud septiforme candela-
 brum reprobauit, scriptura dicente: Repulit tabernacu-
 lum Silo, Et iterum Tribum Ephraim non elegit, sed
tribum

CORRECT. CALEN:

tribum Iuda, montem Sion quem dilexit. Ex quibus colligitur quod orientali ecclesia reprobata Romanā ecclesiam ubique diffusam Dominus reseruauit in templum: Itaque etsi ad subuertendam humilium pietatem, furorem istiusmodi Chaldaeorum ferocium, in odium Sancti Petri sedis, Romana Ecclesia experitur, tamen diebus Aquilae discurrentibus, vndiquaque furor ille reprimetur fulminibus. Quocirca Romana ecclesia mysticè præfecta est cunctis ecclesijs, sicut tribus Iuda, cunctis tribubus Israelis. Ipsa tamen est, de qua Zacharias scribit. Ponam Ierusalem in lapidem oneris, licet à sæculi pressura libera esse non poterit. Hactenus Abbas. Ex his manifestissime colligitur morem & consuetudinem ecclesie Romanæ, per vniuersum terrarum orbem, omni tergiuersione postposita, quam diligentissime obseruandum esse: quod Canonistæ adeo obseruant, vt non solum auctoritatem summam (de qua dubitare nefas) ecclesie Romanæ tribuant, verum etiam ipsam urbem, in sanguine Petri sanctificatam existiment. Nam Petrum Roma exeuntem et persequutionem fugientem, iussit tacitè redire Dominus, dum Petro interroganti, Domine quo vadis? respondit: Vado Romam iterum crucifigi, vt habetur in cap. per venerabilem par. sane. Qui filij sint legitimi, vbi dicitur: Volens Petrum Dominus ad locum, quem elegerat, reuocare, respondit. Iterum venio Romam crucifigi, vt dixi, non quia ipse

Dominus

EXHORTATIO

Dominus vellet iterum crucifigi, sed ut Petrus rediret
 in urbem, ibi pro Christo crucifigendus, quo urbem ipsam
 Romam, tanquam alteram Europæam Hierosolimam
 sanguine suo consecraret, & sic hoc modo dicitur Petrus
 in Christo crucifigi. C. nulli ij. Questione . j. & in D.
 paragrpho, Sane, Vbi dicit Hostien. quod vrbs Romana
 effusione sanguinis Petri, qui fuit Vicarius primus Chri-
 sti, facta est altera Hierusalem, adeo quod per talem effu-
 sionem voluntas Dei fuit, ut ille locus firmaretur & con-
 secraretur pro Ecclesia sancta, quæ esset caput, princeps
 & Domina omnium Ecclesiarum. Probatum clarè in C.
 Fundamenta, de Election. in sexto adde Baldum in auth.
 Quas actiones C. de sacrosanctis Ecclesijs, vbi dicit: Quod
 Ecclesia Romana dicitur tribus Iuda, omnium mater do-
 mina & regina. Atque idcirco voluit Dominus Romæ po-
 tius, quam alibi Ecclesie suæ caput stabilire, ac confirma-
 re, ut vbi erat caput superstitionis, ibi caput quiesceret
 sanctitatis, & vbi Gentilium Principes habitabant, illic
 Ecclesiarum præsules, ac principes morarentur: ut in C.
 Beati II. Questione VII. adduco tex. in cap. fin. LXX-
 XXIIX. dist. Vbi dicitur quod Ecclesia hic in terris
 militans diuinitus est exemplata ab Ecclesia triam-
 phante. Cum itaque Romæ, atque adeo per Italiam
 vniuersam Calendarij correctio iam facta atque in-
 stituta sit, cæteris orbis Christiani Principibus, tam
Eccles

CORRECT: CALEN:

Ecclesiasticis, quàm secularibus conuenit & incumbit, vt ad ordinationem D. N. S. Papæ Gregorij xij. Calendarium quoque reforment atque instaurent. Proinde vestrarum Illustrissimarum & Reuerendissimarum Celsitudinum muneri atq; officij erit hac in re Ecclesie Dei subditis vestris non deesse, sed propter regionum ac Principatum vestrorum vicinitatem, coniunctis animis in correctione Calendarij hoc anno instituenda, in communi laborare, quod eo commodius fieri ac expediri poterit, cum vicini vestri inferiores Germani seu Belgæ, octuagesimo tertio præsentis anno decem diebus inter primam & duodecimam mensis Ianuarij, è Calendario exemptis, nulla correctionis Pontificiæ facta mentione, illud correxerint atq; reformarint: Euenit tamen vt eorum correctio hoc anno ab ijs instituta, inter nos, qui veteri vitioso adhuc vtimur Calendario, & illos, qui nouo reformato vsi sunt, quod Calendarij veteris vitiosi, & noui reformati ijdem termini Paschales existerent, magno commodo vicinarum prouinciarum, nihil varietatis seu perturbationis pepererit, in obseruatione Paschalis celebritatis. Cum enim Pascha nostrum die tricesima prima Martij, Belgarum verò Pascha stylo nouo decima Aprilis obseruaretur, in vnum tamen, eundemq; diem & veteris vitiosi & reformati Calendarij, apud vtrosq; Paschæ solemnitas incidit, idq; eo potissimum euenit, quod Nouilunium in vndecimam diem Martij veteris Calendarij sole in Arietē ingrediente

B

subseq

EXHORTATIO

*subsequentū sit, ut hinc ad plenilunium scilicet & proximē
 subsequentem Dominicam Pascha utrisq; eodem tempore
 & ante æquinoctiū reformati Calendarij inciderit. Cum
 autem idem illud plenilunium in sextam diem Aprilis re-
 formati Calendarij, post æquinoctium antiquo suo termi-
 no restitutum, correcti Calendarij inciderit, id hoc anno
 locum habuit, ut simul & nos ratione veteris vitiosi Ca-
 lendarij & Belgæ correcti & reformati, vno eodemq;
 tempore Paschalem solemnitatem obseruauerimus: quod
 cum sequentibus annis minimè futurum sit, ad euitandam
 in vulgo perturbationem, & quod commodissimum sit ad
 oq; etiam nobis incumbat in obseruatione Paschalis cele-
 britatis consuetudinem & ordinationem Romanæ Eccle-
 siæ omninò tenere; vestras Illustrissimas ac Reuerendissi-
 mas Celsitudines requirendas communi omnium Catholi-
 corum nomine existimaui, quò à vestris Celsitudinibus
 vnanimi consensu anno hoc præsentis lxxxiiij. exemptione
 decem dierum, iuxta ordinationem S. D. N. Papæ Gre-
 gorij xiiij. Calendarij correctio instituat. Quod si à ve-
 stris Celsitudinibus fiat, dubium non est, quin cæteri Im-
 perij principes Electores tam Ecclesiastici quam secula-
 res vestro exemplo inducti idem facturi atque ordinaturi
 sint, præsertim si intellexerint hoc à vestris Illustrissimis
 atq; Reuerendissimis Celsitudinibus iam statutum atq;
 ordinatum esse. Quo pacto autem correctio debeat vel
 possit institui, ex Bulla S. D. N. Pont. Maximi Gregorij
 xiiij.*

CORRECT: CALEN:

xij. (cuius copiam huic scripto adiunximus) similiter ex Calendario reformato descripto constare potest, cuius etiam exemplar hic adiecimus. Si igitur edicto publico vestrae Illustrissimae ac Reuerendiss. Celsitudines per vestros principatus, ac regiones exemptionem decem dierum e mense Octobri proximo publicauerint atq; mandauerint in annum sequentem, qui ad nouam ordinationem vestris subditis Diaria seu Calendaria constituent, non deerunt, & inferioris Germaniae Ephemerides vestris subditis atq; prouincijs accommodabuntur. Verum, dum praesentem hanc exhortationem fere absoluissem e Nundinis vernalibus Francofordiensibus mihi adfertur libellus cuiusdam M. Thobiae Molleri, Astronomi, si vera sunt, quae in ipso libello satis praesumptuose pollicetur, non vulgaris, sed artificis summi, cui vix Ptolomaeus aut Nicolaus Copernicus comparandi forent. Hic ad sacri Romani Imperij potestates, principes ac status singulos, ciuitates Imperiales, Doctos & subditos scribens, eos hortatur & monet, ne Calendarij correctionem anno M. D. lxxxij. a Pont. Max. Sanctiss. Domino Gregorio xij. editam promulgent, aut in suis ditionibus exequantur, aut pro vera agnoscant. Tanti ausus libellus Lipsiae apud Iohannem Beyer Germanicè typis euulgatus: Causam autem suae exhortationis hanc potissimum adhibet. Quod reformatio illa promulgata, & iam multis in locis executà, sine ratione ac firmo fundamento constet; Tribus autem potissio

B ij num

EXHORTATIO

mum argumentis hanc suam propositionem confirmare ac
 stabilire conatur. Primum est, quod in Calendario refor-
 mato nullam habitam rationem, Canonum motuum caele-
 stium, affirmet. Secundum est, quod nondum magnitu-
 do mensium, & annorum declarata sit, & proinde hanc
 correctionem promulgatam erroneam et damnosam esse.
 Tertium est, quod correctio Calendarij debeat de neces-
 sitate perduci ad principium institutionis, ad ævum scili-
 cet Iulij Cæsaris, quo primum instituta est. Hæc solum
 argumenta sunt, eaq; friuola ac nullius momenti, quibus
 executionem reformati Calendarij Mollerus impedire
 apud Imperij principes, puto protestantes, conatur, sed
 Reformatæ Religionis Calvinistæ (vt sese appellitāt) eius
 crepundijs non mouentur. Catholici autem facile intelli-
 gent has nugas in odium Pontificis consarcinatas: Ne
 existimetur illum aliquid constituere posse, quod salutar-
 re sit in Ecclesia, & non minus apud Lutheranos, quam
 Catholicos rationi ac veritati consonum sit. Sed vt prote-
 stantes Concionatores, scripturam sacram affligunt, Pa-
 trum scripta perperam exagitant, atque detorquent: sic
 Mollerus Calendarium reformatum magna cum impu-
 dentia & temeritate, quod pace tanti Reformatoris Ca-
 nonum, motuum, scripserim, reprehendit atque reijcit.
 Quod de alijs viginti causis nondum in medium produ-
 ctis neq; producendis adiecit, nugatorium est, dum primo
 argumento melius nullum adducere possit. Secundum ac
tertium

CORRECT. CALEN:

tertium lucra seu corollaria primi argumenti sunt, quo etiam xx. cetera argumenta, si à generali commemoratione ad specialia procedere vellet, spectabunt. Quo autem videat Mollerus, quam firmis & validis argumentis & rationibus suam exhortationem comprobarit: primum eius argumentum in formam syllogisticam, argumenti eiusdem probationibus minime neglectis, redigemus.

Reformationem Calendarij non exequendam
in Imperio.

Causa:

Quod sine ratione ac fundamento existat, & quod alia firmior & rationabilior ab ipso Mollero expectanda sit.

Sine ratione & fundamento eam existere, ita probatur.

Quod Canonum motuum nulla in ea habita sit ratio.

Argumentatio igitur talis constituitur Molleri.

In Calendario restaurando, debet Canonum motuum haberi ratio, debent constitui Tabulae Astronomicae, & novae correctae Ephemerides.

Sed in hac restauratione Pontificia nulla Canonum motuum, neque constitutionis novarum tabularum, neque correctarum Ephemeridum est habita ratio.

Proinde est sine fundamento & ratione inducta correctio, vitiosa & damnosa igitur.

Propositio non probatur à Mollero. Nam licet in confesso foret Tabulas Astronomicas, tam Erasmi Reinhol-

B ij di

EXHORTATIO

di ad Revolutiones Copernici constitutas, quam Alphonsinas vitiosas, omnemq; Ephemeridum calculum corruptum ac erroneum esse, vt affirmat, sed nondum probauit Mollerus: Non tamen sequitur ob id Calendarij Romani correctionem aut restorationem fieri non posse, aut factam erroneam vitiosam & damnosam esse, cum Calendarij correctio in reuocatione æquinoctiorum ad antiquos terminos, & restoratione terminorum Paschalium consistat, cætera verò constitutio Canonum motuum summis artificibus reseruata sit, & omnes artifices, qui hæcenus correctionis formulas proposuere Ecclesie præsulibus, hæc duo solum in correctione Calendarij necessaria putauerunt. Nec Canonum motuum Tabularumq; nec Ephemeridum habita ratio fuit in constitutione anni Iuliani ab initio, nec tempore correctionis eiusdem anni sub Augusto, dum incuria & negligentia sacerdotum corruptus esset, nec etiam tempore Nicenæ Synodi, vt mirum sit homines nimium arti sue deditos, et ad Remp. inhabiles, dum omnes suas curas & cogitationes vanis speculationibus intendunt, et se ipsos eneruant, in tantas angustias & scrupulositates Ecclesiam Dei redigere velle, ac os in cælum attollere audere, illudq; reprehendere, quod non intelligant. Si quis se reformatorem Canonum motuum, obseruatione firma & valida exhibere audet, is in medium procedat, suaq; exhibeat mundo, vt pro sua virtute et gloria exornetur ac decoretur. Nobis, ac alijs bonis viris

comz

CORRECT. CALEN:

commendandi non subtrahat occasiones, & commoditatē.

Quod si firma & valida esset Propositio, videlicet in Calendario restaurando debere Canonum motuum haberi rationem, debere constitui novas tabulas, ac novas Ephemerides exhiberi, negarem assumptionem, scilicet in hac restauratione Pontificia, nullam Canonum motuum, neq; constitutionis nouarum tabularum, neq; correctionum Ephemeridum rationem habitam. Cum Ephemerides ad Revolutiones Copernici summi artificis & Erasmi Reinholdi tabulas correctæ & reformatæ, cum annotatione etiam errorum, qui in Ephemeridibus Iohannis Stadij reperiiebantur, Sanctissimo Domino Pont: Max: dedicate atq; oblatæ sint, ab anno 1581 ad annum 1620. computatæ & calculatæ Venetijs editæ, atq; his nundinis Vernalibus Francofordianis publicè & passim distractæ, vt earum exemplar in promptu est. Vt hac causa argumentationis Mollerii assumptio corruat, & vanam eius præsumptionem arguat, qui tantæ impotentia in suo illo scripto nugatorio existit, vt sese summis artificibus præferre non dubitet, cum tamen hæctenus suæ tam excellentis doctrinæ nullam spem fecerit, aut specimen exhibuerit. Sed ad me hæc nihil, alijs occupatum, summis artificibus hunc hominem vanè gloriosum & jactabundum depexendum & dedolandum relinquo.

Altera ratio, qua Mollerus improbare conatur Pontificiam correctionem, eamq; sacræ Cæsareæ Maiestati

EXHORTATIO

*iestati & sacri Romani Imperij principibus non recipien-
 dam suadere non erubescit, hæc est. Quod nondum magni-
 tudines mensium, annorumq; declaratae sint, ac de ijs cer-
 tò constet, haud dubiè ex eo, quod artificum obseruationes
 variant, Solisq; ac Lunæ motus nondū verè cogniti & ex-
 plorati sint. Sed argumentum hoc secundum nulla syllo-
 gistica deductione opus habet, cum sit lucrum ac corolla-
 rium, vt dicitur in scholis, primi. Nam si Canonum motu-
 um, Reformatarum tabularum Astronomicarum, similis-
 ter & Ephemeridum correctarum, in Calendario non re-
 quiratur ratio, nec oberit communi huic reformationi,
 quæ non summi ac scrupulosissimi artificij esse debet, igno-
 ta exactissimi anni syderej ac Astronomici quantitas,
 quæ à temporibus Ptolomæi, vsque in hanc ætatem, ab ar-
 tificibus summis semper alia atq; alia reperta atque adin-
 uenta est, & euenire posse ex speculatione non vana, sed
 rationali Copernici, vt excrecendo tandem superet etiam
 Alphonsinam paulatim quantitatem, vt nò in anteceden-
 tes sed subsequentes dies, retrahat æquinoctia. Sed quid
 impedimenti hæc ratio Ecclesiæ Dei inferet, vt hanc res-
 taurationem Calendarij impedire debeat aut possit, in fu-
 turum, cum etiam ad xxxv. diem Martij, æquinoctium non
 sine magno mysterio reduci potuisset. Quid si iam paula-
 tim in dies subsequentes anno Usuali minori quam solari
 existente, æquinoctia transferantur, ob id tamen hæc an-
 ni reformatio nullo pacto aut dissuadenda aut impedienda
 foret*

CORRECT. CALEN:

foret, cum mundi hac senectâ in dies subsequentes ante
 seculi finem eo usq; proreptura non sint æquinoctia, vt
 xxv. diem Martij institutionis primæ, cui tempore mor-
 tis ac passionis Christi Salvatoris adhærebāt, contingant.
 Et quid si vltèrius proreperent, cū non in diebus, sed æqui-
 noctio, illiq; applicato Pascali termino, mysterium corecti-
 onis versetur, vt posterius declarabitur. Et dum hæc
 eius generis sint, ut hæctenus à summis artificibus inda-
 gari minime potuerint, quid ea, quæ captum nostrum exce-
 dunt tam scrupulosè inquirimus, & tam pertinaciter cum
 inobedienciâ nota vrgemus, ne dicam cum summa læsione
 capitis hyerarchici ordinis & calumnia, sine ulla iusta cau-
 sa ac occasione, temere reprobamus ac reijcimus? Et quis
 est mortalium, qui hæctenus certo affirmare aut asserere
 indubitanter potuerit, orbium cœlestium motus, reuoluti-
 ones, & anfractus ita cognitos & ad hypoteses, Tabulas
 q; redactos esse, vt mensura cursus cœlestis preueniret ad
 digitos, vt Plinius ait, Hæc inferiora caduca sunt, interi-
 tuiq; obnoxia, illa vero superiora, licet repurgationi sub-
 dantur, ætherea sunt, adimantina, perpetua, stabilia, nul-
 lis alterationibus obnoxia, ab Angelis æuiternis mentibus
 præsidentibus reguntur & rotantur, qui cœlestibus &
 æthereis corporibus præsunt, illa dirigunt, regunt & gu-
 bernant: Nos vero licet diuini spiritus spiraculum vitæ
 susceperimus inferioribus huius mundi elementis immersi
 ac implicati, aggrauamur spiritu & mente, vt si in re tam
 C sublim;

EXHORTATIO

sublimi oculi nostri cecutiant, etiam inscrutabilis ratio aliqua cæli motuum eiusq; anfractus sit, nemini mirum videri debeat. Sed hac in re si quid ingenio vel industria valet Mollerus, suas cogitationes in medium adferat, ea tamen lege, vt aliorum iudicia non reprehendat aut reprobet, nisi sua primum exhibuerit, eaq; approbata sint. Nam hoc sæculū adeo abundat impostoribus ac hominibus mendacibus, vt vix amicissimis credi debeat aut possit, nisi se tales exhibeant vt illis tuto fides adhibenda sit, & illud vulgatum Martialis, etiamnum locum habeat.

Cum tua non edas carpis mea carmina Læli

Carpere vel noli nostra, vel æde tua.

Tertiò restauratio Calendarij Pontificia, iudicatur Molle-
ro erronea, ideoq; minime recipienda, quod non reducta sit ad principium scilicet Calendarij à Iulio Cesare factum: Hanc propositionem vehementer postulare pro-
bari à Molleto, necessario scilicet per correctionem Ca-
lendarium restituendum termino primæ suæ institutio-
nis, cum nulla ratio Mystery sit in initio correctionis, sed
in tempore mortis & passionis Christi saluatoris, qui ad
reparandum genus humanum, in æquinoctio vernali, An-
nunciationis festiuitate humanam naturam assumpsit.
Exortus est sol iustitiæ in Bruma ipsa, natus hyemali sol-
stitio: passus vero in æquinoctio, Luna Solis radijs ex op-
posito irradiata, ac plena existente lumine, vt potius prop-
ter mysterium reductio reformationis ad Christi Saluatoris
ris

CORRECT: CALEN:

ris mortem, quam ad primum institutionis terminum, ab ipso Mollero, si hoc mysterium intellexisset, vrgeri debuisset. Verum dum patres in Nicena Synodo hanc rationē à nobis hic allatam minimè respexerint, & æquinoctio relicto eo loco, quo tum reperiebatur, Paschales terminos applicauerint, putauit Aloysius Ecclesiasticæ dignitati magis conuenire, ob consilij celebritatem, quod è quatuor primis œcumenicis consilijs existit, æquinoctium ad terminum consilij potius, quam ad initium Calendarij institutionis, vel tempus mortis & passionis Christi reuocandum. Atque dum hoc publica auctoritate constitutum sit, non est priuati hominis hac in re temere Ecclesiæ proceribus præiudicare, aut aliud aliquid in Ecclesia obseruandum, suadere velle. Verum cum hic mos hæreticorum sit, relinquuntur suæ apostasiæ ac impietati, vt detur hoc illorum proteruiæ. Illustrissimis ac Reuerendissimis vestris interim Celsitudinibus conuenit suo muneri non desesse, & hanc ordinationem S. D. Pontif. Max. Gregorij xij. hoc anno exequi, quo imperij Electoribus & alijs principibus idem præstandi non desit occasio nec calcar: Nam magno malo & scandalo obseruaretur in Ecclesia Latina & occidentali solennitas Paschalis, non eodem tempore, quo in Ecclesia D. Petri Romæ à capite hierarchici ordinis celebraretur. Verum cum intelligam paucis causas corrupti Calendarij & correctionis commoditatem, ne dicam necessitatem, Similiter, quæ formulæ cor-

C y rectionis

EXHORTATIO

rectionis à Veteribus propositæ atq; pertractatæ sint, nota
tam ac perspectam esse, mei muneris esse putavi breuem
aliquam hac de re, in eorum præcipuè gratiam, qui rerum
sublimium atq; cælestium imperiti sunt, tractationem con-
cipere, eamq; tribus potissimum membris absoluerè.

PRIMA parte declarabitur, annum verum Solarem
seu Astronomicum, qui ex anfractu ac reuolutione Solis
constat, iuxta Hipparchum & Ptolomæum ab Aequi-
noctio uel Solstitio, iuxta Thebit à stella fixa, cum anno
vsuali seu Iuliano minimè conuenire. Et proinde Calenda-
rium Romanum, ratione primæ institutionis, vitiosum es-
se, multis verò annis sine correctione coaceruatis, indies
magis ac magis vitiari. Altera pars continebit non solum
utile ac commodum esse, vt error ille sustollatur, sed pene
etiam necessarium fore Ecclesiæ. Tertia pars docebit mo-
dos seu vias & formulas aliquot correctionis, præsertim
eam, quam iam tandem S. D. N. Pont. Max. Gregorius
xij præcæteris approbavit.

QVOD ad primum membrum attinet, annum vsua-
lem cum anno solari non conuenire, certum est: vt vel hoc
nomine solum annus noster vsualis, Romanumq; Calenda-
rium vitiosum sit: quod ita declaratur. Iulius Cæsar ante
natum Christum annis xlv. Calippum, & Alexandrinos
imitatus, postquam Aegyptum Romano imperio subiecisset,
Romam veniens ac Pontifex Maximus creatus, insti-
tuit annum Romanis, qui ex diebus 365. & quarta diei,
hoc

CORRECT: CALEN:

hoc est, sex horis constaret. Si hæc quantitas anni Iuliani præcise & de puncto ad punctum (vt dicitur) cum anno solari vero seu Astronomico conuenisset, & nunquam Aequinoctia anticipassent, sed sedes suas firmas, perpetuoq; stabiles in Calendario Romano obtinuissent, nec in Paschatis celebratione Aequinoctiorum anticipationis caussa, error aliquis obrepisset: Sed cum Quantitas anni Iuliani, cum Solis reuolutione, hoc est, tempore, quo Sol à principio Arietis per xij. signa transiens, in idem recurrit, non conueniat, eandemq; quantitatem superet, Aequinoctia anticipare, & suas sedes deserere necessario contingit. Nam Cæsar Calendarij sui institutione & veteris anni reformatione, Aequinoctium verum octauo Kalen. Aprilis, seu xxv. die Martij, applicauit, vt affirmat Columella lib. xij. cap. ij. de Agricultura. Idem Plinius, Macrobius, Iohannes Chrysostomus, Paulus de Middelburgo, Iohannes Stofflerinus & plures alij testantur. Aequinoctium autem nostro æuo in dies præcedentes ita anticipauit, vt nunc sedem sexto & quinto idus Martij, decima vel vndecima eiusdem mensis habeat. Ex ea anticipatione manifestissimum est, quantitatem anni Iuliani maiorem esse ea, quæ ex cælesti solis anfractu eiusq; reuolutionis amplitudine, constituatur. Verum cum de ea inter artifices summos, obseruationum peritissimos, hæctenus magna controuersia fuerit, eã hic breuiter commemorandam putauit. Ptolomæus enim Alexandrinus, qui anno Domini

EXHORTATIO

432. floruit, dictione tertia *Almagesti* seu *magnae compositionis*, de quantitate anni elicienda agens, observatione adinuenit, annum à motu Solis ab *Aequinoctiali*, donec ad eundem redeat, continere dies 365. cum quarta vnius, minus trecentesima parte diei, hoc est, minutis quatuor, secundis xlviij. Quantitas itaque anni veri seu *Astronomici* ex *Ptolomæi* observatione foret dierum 365. horarum quinque, minutorum lv. Secundorum xij. & minor anno *Iuliano*, min. iij. Sec. xlviij. Atqui ita secundum *Ptolomæi* supputationem, in annis mille quingentis ab emendatione *Calendarij* per *Cæsarem*, anticipasset *æquinoctium*, si stabilis atq; firmus, æquabilisq; eius fuisset regressus, tantum quinque diebus cum iam diebus quindecim fere anticiparit. Quantitatem igitur *Ptolomæicam* anni, arguit discrepans ac differens *Aequinoctiorum*, ab observatione, anticipatio. *Albategnius* in lib. de motibus stellarum Cap. xxvij. liij. & liij. post *Ptolomæum* annis 743. ut ibidem ipse testatur, obseruauit annum solare continere dies 365. horas quinque, minut. xlviij. & duas quintas vnius minuti .i. secunda xxxviij. Ita ut secundum *Albategnij* obseruationem, æquinoctia 106. annis per vñū diem anticipent, quæ anni quantitas (cum experientia longi temporis ut *Iohannes Lucidus* in *Epitome emendationis Calendarij Romani* censet, eam verissimam esse comprobarit) cælesti quantitati anfractus Solis, quàm maxime cōueniret, si stabilis ac firma foret *Syderij* seu *astronomici* anni quantitas.

titas.

CORRECT. CALEN:

titas. Alphonsus verò Castella Rex, qui A^{er}am suam
annotauit Anno Domini 1251. Anni quantitatem asserit
continere dies 365. horas quinque, minu. xlix. secund. xvj.
Et est differentia minor à sex horis in minut. decem, &
secund. xliij. Quæ aggregata per annos 134. vt & Alo-
ysius affirmat, fere diem vnum conficiunt, hoc est, horas
xxij. minut. lvij. secund. xvj. Et secundum hanc suppu-
tationem prædicta anticipatio quindecim dierum comple-
retur duobus millibus & decem annis, vt & hæc anni
Alphonsini quantitas, cælesti quantitati minime conueni-
at. Quoniam ab anno xlv. ante ortum Christi, quando
Cæsar statuit Aequinoctium vernale circa diem xxv.
Martij vsq. ad annum Domini 1583. in quo nunc sumus,
non plures anni 627. intercesserunt, & tamen Aequi-
noctium anticipauit, quindecim fere diebus. Obseruauit
etiam Iohannes Stofflerus, annum Alphonsinum non ple-
ne conuenire motui Solari. Itaque in suo Calendario prop.
xxxvij. iuxta propriam opinionem in annis 120. anticipati-
onem vnus diei affirmat. Atq. hæc illa varietas anni est,
cuius meminit Aloysius, cum eius quantitatem, à doctiss.
& diligentissimis Mathematicis dicit obseruatam, & di-
uersis temporibus aliam atq. aliam repertam. Vt hinc con-
vincatur (dum de obseruatione summorum artificum dubi-
tare nefas foret) eandem non semper sui similem esse, sed
Solem vaga ac mutabili ratione labi, motuq. veteribus igitur
adto ferri, ac varios anfractus reuolutiones alias atq. alias
diuersis

EXHORTATIO

diuersis temporibus sortiri. Quod Aloysius Calendarij correctioni quantitatem Alphonsinam, tanquam mediam, erroriq; minus obnoxiam, commodissimam esse iudicauerit, non tam ad praeeteritum, quam futurum tempus, Aequinoctiorum anticipationis correctionem, spectat, idq; ex eo fundamento, quod propter motum illum, quem veteribus ignotum diximus, alij ad anni Ptolomaici, alij ad Alphonsini quantitatem, videlicet astronomici vel syderei anni magnitudinem, observationibus collatis, nostro aeuo reddisse existiment. Annus enim sydereus, qui maior fuit temporibus Ptolomaei, & minor temporibus Alphonsi, nunc rursus petit quantitatem Alphonsinam aut Ptolomaicam. Nam iuxta nouam obseruationem in celeberrimo Tubingae gymnasio. Anno 1536. in meridie decimae Martij (teste Hieronymo Cardano Mathematico & Philosopho insigni, in suo Astronomico supplemento) habitam, minor tantum minu. xxxiiij. secundis & xij. tertijs, horae vnus, quam Alphonsi conuersio, reperta est. Cui & Abraham Zachut dudum nec minus ex Neotericis caelestium motuum obseruatoribus Nicolaus Copernicus atque Erasmus Reinholdus in media & aequali annua solaris atque aequinoctij restitutione, si non penitus, fere tamen consentiunt, vt hinc recte Aloysius intercalandi formam in tempus subsequens adornans, iuxta Alphonsinum calculum eam instituat, quem Petrus Pitatus Veronensis Mathematicus, de Calendarij instauratione ad Pium iij. Pontif. scribens



CORRECT. CALEN:

Scribens præter cæteros approbavit. Aequinoctijs itaq; ex
 diuersitate anni vsualis ac syderij seu Astronomici antici
 patis, Lunatio quoque verni temporis ac plenilunium pro
 ximè sequens æquinoctium, quod tamè accuratissimè sub
 Anathematis pœna obseruandum esse, Nicena Synodus
 præcipit, etiam mutabitur. Dum enim celeberrima Chri
 stianorum festiuitas, à qua cætera pendent festa mobilia
 iuxta ordinationem Nicenæ Synodi, vt etiam in decretis
 Gratiani Dist. iij. de consecr. cap. Celebritatem. videre
 est, Dominica intra xiiij. & xxj. Lunam arctissime ob
 seruanda sit, euenit interdum æquinoctiorum anticipati
 one, tempus vernale in æstiuum fere commutari, secundo
 perperam mense celebrato Paschate, Sole videlicet Tauri
 fere dimidium obsidente. Exorbitationis seu erroris huius
 caussa existente, stabili & firma æquinoctij ad xxj. Mar
 tij D. Benedicti diem, ab anno 323. Nicenæ Synodi ap
 plicatione, & ad hæc vsque tempora constitutione. Quod
 si ad multos annos error ille perseneret, adiuuante corrup
 to & vitiato Lunari cyclo, non secundo tantum mense,
 verum etiam ipso Nouilunij die, solemnitatis Paschalis ce
 lebranda aliquando foret, quod (nisi forte solaris Eclypsis
 in ipso Passionis & nouilunij die concurrat) per antiquos
 Ecclesiæ Canones vetitum penitus fuit. Atq; hæc partim
 propter anticipationem æquinoctiorum, partim verò ob
 cyclum corruptum Lunarem eueniunt, alteram videlicet
 vitiatæ Calendarij caussam.

D

Aureus

EXHORTATIO

Aureus enim numerus, seu cyclus decemnonalis, suum officium, cuius gratia Calendario applicatus est, non facit, ut videlicet nouam Lunam & ex ea decimam quartam, ostendat Paschalem, adeo ut Lunam modo quintam, modo sextam cornuta facie conspectam, pro prima obtrudat, atque inde etiam pro quartadecima post dies totidem ex aurei numeri vitio vicesimam, à facie Lunæ conspectam, aut ex calculo accuratiori Astronomico obseruatam, similiter exhibeat. Hinc etiam erroneè contingit, Paschalem nostram solemnitatem in vicesimam quintam, imo aliquando sextam lunam, in cælo iam lumine eius diminuto, perperam celebrari, cum tamen illud per decreta Ecclesie vetitum sit. Et hic error ex motu Lunæ veteribus incognito, eiusq; vitioso cyclo, anno Iuliano applicato, causam sumsit. Motus Lunæ proprius, secundum motum & cursum equalem, iuxta Alphonsinos, perficitur diebus xxxvij. horis vij. minu. xliij. Secund. fere v. Sed ab vna congressione Lunæ cum Sole ad alteram, quælibet lunatio iuxta medium motum, continet dies xxix. horas xij. minu. xliij. secund. ij. tertia ij. Ad has inueniendas Luminarium coniunctiones, Alexandrini rerum cælestium inuestigatores excellentissimi, miserunt ad Romanos tum temporis rerum, Dominos tabulam quandam argenteam, aureis literis descriptam, vnde lunares cum sole coniunctiones, oppositiones, reliquosq; aspectus indagarent ac inuenirent. Atqui hinc decemnonalis cyclus, aureus numerus etiam

num

CORRECT. CALEN;

num vocatur, qui in nostris Calendarijs reperitur, & tem-
pore Concilij Niceni, Anno Domini 323. interlunia è di-
recto diei cui obijciebatur, quasi indice seu digito ostende-
bat. Sed modo non coniunctionem Solis & Lunæ, aut eti-
am decimam quartam diem à nouilunio, plenilunium sci-
licet, sed potius Lunam v. & vj. xix. & xx. vt commem-
moratum est, ostendit, cum videlicet in annis 304. lumi-
narium congressiones, anticipent sedes suas per vnum fe-
re diem. In quolibet enim Cyclo lunari, hoc est, in singulis
xix. annis, reuolutiones lunæ anticipant totidem solis re-
uolutiones, hora vna, minu: xxvij secund. iij. eo scilicet
quod xix. anni lunares, cum suis septem embolismis sunt
ea quantitate breuiores xix. annis solaribus cum suis iij.
bissextis & xvij. horis. Qui defectus computatus xvj.
Cyclis, 304. annis, ad vnum fere diem naturalem, hoc est,
ad horas xxij. min. xxvij. sec. lj. excrescit, Alijs tamen
placuit anticipationem eiusmodi in annis 262. fieri, eo
quod annis 1627. vltra sex dies, ab emendatione Calenda-
rij per Iulium Cæsarem facta, anticipauerit. Hinc est
quod aureus numerus non possit habere firmam & fixam
sedem in Calendario ad coniunctiones Lunæ & solis in-
ueniendas, sed ad tabulas Astronomicas recurrendum,
aut noua ratio cycli temporis longioris Calendario appli-
canda sit, vt à Petro Pitato Veronensi Mathematico &
Aloysio lilio in suo correctionis compendio factum esse cer-
nimus, atq; ita ex anticipatione æquinoctiorum Cycloque

D ij lunari

EXHORTATIO

lunari collapso Paschales termini, non sine graui detrimento Ecclesiaeque incommodo, vitiati & corrupti sunt haecenus. Atque haec de incorrecti Calendarij errore haecenus, nunc de correctionis necessitate & commoditate secundo agamus.

Collapsos terminos Paschales in hoc vsq; tempus reformari ac restaurari non minus vtile, quam necessarium Ecclesiae esse omnes, qui demonstratum errorem cognouerunt, iudicant, idq; varias ob causas, quarum aliae alias superant, magisq; praegnantibus sunt. Prima est, vt Iudaeorum calumniae ignorantiam & inscitiam Paschalis solemnitatis, terminorumque eiusdem solemnitatis celeberrimae, non temere Christianis impingentibus vel iam tandem occurratur, & haereticorum obgannitui salutari correctione Ecclesia obuiam eat, qui non sine calumnia & cachinno affirmant, impiissimos Manichaeos, crudelissimosque Turcas, Saracenos, Arabes, aliosq; populos, cultores impij Machumeti illius diem, quo infelicissimam animam euomuit (nam morte violenta perijt) quotannis magno cum apparatu die certo celebrare, nos vero Christianos Pascha nostrum sacratissimum vago & deuio calculo obseruare. Et proinde non temere Ecclesiae praesules, soporis & ignauiae arguunt, quod ad errorem tam manifestum atq; conspicuum conuiueant, quod Lunam falcatae seu cornutae in caelo cum suis asseclis ipsi in Ecclesiae contemptum digitis demonstrare queant: Ecclesia tamen ex collapso Calenda-

rio

CORRECT: CALEN:

rio, & aurei numeri vitio deprauato, primam eam nomi-
net, illa autem deficiente ac xxv. aut xxvj. existente pro
xv. aut xvj. in celebratione maximæ festiuitatis Christi-
anorum, à qua cætera festa pendent, crassissimo errore ha-
beat ac pronuntiet. Delicatiores verò alij, qui ventri ser-
uiunt ac patrocinantur, hoc prætextu quadragesimale je-
iunium repræhendunt, effugiendumq; censent, quod Pas-
scha in secundum mensẽ vitio Calendarij trãsferatur, ob
caloris exuberantiam cibariorumq; acuitatem seu salsediz-
nem, quæ corpora ipsa exiccet. Nec illud omittendum,
quod Lucas Gauricus vir apprime in omni disciplinarum
genere versatus Ecclesiæ alumnus, neq; de hæresi, quod
equidem sciam, suspectus, affirmet, se multoties experien-
tia didicisse, quoties sanctissimum Pascha, à quo intersti-
tia reliquorum festorum mobilium pendent, non ritè, id
est, debito tempore celebratũ esset, iuxta mandata Moysi
à Deo data, à Synodo Nicena magno & maturo consilio
suscepta, quod toties in Europa, maximæ hominum stra-
ges, pestes horrendæ, aut annonæ rerumq; omnium caritas
famesq; subsequuta sit. Lucas Gauricus, haud dubiè puta-
uit id propterea fieri, quod ultra diuinum veteris legis
oraculum, exterminationem illius animæ minitantis, qui
non fecerit Phase domino suo debito tempore, Sanctorum
patrum decreta Antiocheni seu etiam Calcedonensis con-
cilij illorum exorbitationem anathemate notauerint, qui
regulam magni concilij Niceni de sancta & salutari festi-
uitate

ij uitate

EXHORTATIO

*uitate Paschali Saluatoris D. N. Iesu Christi soluerent,
 aut obseruandam præfinito tempore non esse putarent.
 Hæc tam acerba horribiliaq; adferenda non esse putarem
 nisi à Catholico, Italo, ad episcopalem dignitatem euecto,
 posteritati relicta & obseruata forent. Quod si Analogi-
 am seu conuenientiam cardinum cœli, æquinoctiorum ac
 solstitiorum, cum tempore mortis natiuitatisq; Christi Sal-
 uatoris conferre voluerimus, in promptu ratio erit, eaq;
 pulcherrima non exigui mysterij, Cur scilicet Christus
 Saluator noster, verus Deus & homo, voluerit nasci sub
 Bruma, seu Hyemali solstitio, pati vero circa æquinocti-
 um, atque adeò in ipso plenilunio. Quæ ratio terminos Pas-
 chales ob mysterij veritatem non negligi, verum accura-
 tissime obseruari, collapsosq; restaurari, Ecclesie non vti-
 le solum, sed pene necessarium conuincit. Quemadmodum
 enim Sole circa solstitium hyemale hærente, mundus hor-
 ret, omniumq; rerum quasi præsto est interitus, ita nascenti
 Christo, hyeme aspera, omnia horrescebant, interituiq;
 proxima erant, atq; iam interierant. Omnes enim inuti-
 les facti, clamat scriptura: Refruxerat enim charitas, totus
 mundus teterrimus erat densa caligine, vitiorumq; te-
 nebris obductus: Populus enim Esaia teste, qui ambula-
 bat in tenebris, vidit lucem magnam: habitantibus in re-
 gione vmbrae mortis, lux orta est. Idq; conuenientissime
 cum aegris opus sit medico non bene valentibus, Christi
 Saluatoris testimonio, hyeme aspera, cum omnia rigeret,
 ac*

CORRECT. CALEN:

ac tenebris densissimis implicarentur: Media enim nocte
exortus est SOL IUSTITIÆ CHRISTVS. Quod
autem Dominus circa æquinoctium vernum, atq; adeo in
ipso plenilunio passus sit, Ratio est: Nam quemadmodum
Sol, vbi primum Arietis punctum ingrediens, totam mun-
di machinam peruagatur, diei naturalis spacio, vndique
(dux & author cæterorum luminum, mundi mens & tem-
peratio existens, cuius radijs inferiora vegetantur, alun-
tur ac fouentur) illuminat atque illustrat: Ita etiam Chri-
stus Dominus, vbi totus mundus immer sus esset tenebris,
hyeme aspera (vt supra declaratum) natus, circa æquino-
ctium sua morte ac passione genus humanum vniuersum
redimere atque reparare, pristinae dignitati restituere,
vitia ex diabolo nata extinguere, Sathanae deuicti ac li-
gati vires reprimere, ac mortis stimulos confringere, mun-
dumq; vniuersum, vt sol iustitiæ illuminare, cordibus ho-
minum tenebras depellere, idq; ob mysterium, in accessu so-
lis ad nos commodius, quàm recessu Solis à nobis, non sine
magno mysterio voluerit, idq; duplici de causa in Plenilu-
nio. Primò, quod Luna in potestatem noctis condita sit,
ac synagogam ob errores suos varios, recte adumbrauerit,
legemque ipsam tempore mortis Christi adimpletam ac
consummatam esse præsignificauerit, hominumq; malitio-
am ad insolitam magnitudinẽ excreuisse demonstrauerit,
plenoq; orbe quod conspiceretur. Orbis proinde malitiæ,
vt Lunæ plenæ, Christum Dominum Solem iustitiæ, misere-
ricordiæ

EXHORTATIO

*ricordiae, immensae bonitatis ac largitatis sua morte, suaque
 passione non defuisse, quin illi lumen suum impartiretur,
 illumque ita accenderet ac illustraret, ut eius incola &
 mortales, caro & sanguis scilicet plane transformati neque
 lumine Solis nec Lunae egeant, factique sanctorum conciv-
 ues ac domestici Dei, aeterna felicitate, e qua per inobedi-
 entiam Adae exciderant, denuo perfruituri sint. Secundo
 vero in plenilunio Christus Saluator pati voluit, quo eo
 tempore per Eclipsin miraculosam Iudaeis & Gentibus,
 qui contra naturam eam fieri intelligebant, innotesceret,
 eosque in sui cognitionem, admirationem, miraculose tamen
 adduceret, & sic non sine magno mysterio, in temporis ple-
 nitudine iuxta D. Paulum Christus Saluator, tam nasci
 quam pati voluit. Atque eo respexisse legis mandatum
 credibile erat, quod sub exterminio animae eius, qui non
 fecerit Phase Deo in tempore suo, nos obligat. Quod autem
 tempus illud idoneum sit, disertè expressum est à Iosepho
 lib. iij. Antiq. ubi refert Pascha celebrari deberi decimo
 quarto die mensis Nisan, quando Luna Soli arietem per-
 currenti, opponitur. Quod & Nicolaus de Lyra super cap.
 xij. Exhodi explicat: Primum mensem Hebreorum sem-
 per incipere à principio Lunationis propinquioris aequi-
 noctio. Lunationem dicit mensem verum & naturalem
 Lunae circuitu effectum. Atque illud Pascha etiam Chri-
 stus Dominus, praeter Iudaeorum traditiones, qui ob Saba-
 thum subsequens, celebritatem festiuitatis mutauerant,
iuxta*

CORRECT. CALEN:

iuxta legem accuratissimè observavit cum discipulis discumbens, agnumq; Paschalem cum azymis, typicum die & Luna xiiij: comedens. Hæc de commoda & pene necessaria correctione anticipationis æquinoctiorum ac terminorum Paschalium dicta sufficient, jam de tertia & potiore parte præsentis discursus, forma scilicet & modo correctionis Calendarij agendum. Primò de correctione quæ Aequinoctij causa instituenda est.

ÆQUINOCTIVM vernum tempore Iulij Cæsaris circa xxv. Martij, hæsit, ac in concilio Nicæno anno 323. ratione anticipationis, circa diem xxj. Martij adinventum est, cui quasi fixum foret, Patres Synodi Nicænæ, Paschales applicarunt terminos: hoc idem Aequinoctium nostro ævo, per anticipationem undecim dierum, decem vero (vt Aloysius ponit) ad diem decimam & undecimam Martij, peruenit. Ad emendationem autem huius regressus in dies præcedentes, vt Calendario restaurato conveniat æquinoctium, duplex modus seu forma adhiberi potuisset. Primus modus, vt si mansisset in sua sede, in qua nostro tempore hæerere deprehenditur: Secundus modus fuit in suam veterem sedem si reductum fuisset, idq; dupliciter, vel ad eam in qua tempore Nicænæ Synodi constituebatur, videlicet circa xxj. Martij, vel etiam ad eam, in qua tempore Iulij Cæsaris, & circa mortem ac resurrectionem Christi Domini reperiebatur.

Ad primum modum quod attinet figendum fuisset æqui
noctium

EXHORTATIO

noctium ad dies decimam Martij & vndecimam, cum æ-
 quinoctium intra limites horum dierum versetur, quare
 hi ambo & non vnus tantum pro terminis æquinoctij assi-
 gnandi ac constituendi fuissent. Hanc correctionis formã
 Petrus de Aliaco Cardinalis in Constantiensi Synodo ob-
 seruandam magnopere suasit, et Ioanni xxij. nisi cessisset
 Pontificatui, eam persuasisset, quæ D. Paulo de Middel-
 burgo, episcopo Forosemprenensi & D. Ioanni Stofflerio
 no ad Maximilianum Imperat. non displicuit, quæ cete-
 ris formulis præferenda, multis viris doctis semper visa fu-
 it, quod facilis esset, nullamq; in vulgo perturbationem, of-
 fendiculum, aut nouitatem inducere existimetur, neq; ta-
 bulis Astronomicis difficultatem aliquam ingerat, exem-
 ploq; Nicenæ Synodi præter rationem efficacissimam,
 quam habet, approbata sit. Nam Patres in Synodo Ni-
 cœna, vt dictum est, æquinoctium non reuocabant ad xxv
 Martij, circa quam tempore mortis Christi hæsit, sed re-
 linquebant in ea die, cum qua in celo versaretur, cum die-
 es Paschalis, mysterium ratione æquinoctij habeat, cum im-
 plenilunij proximè subsequenti æquinoctium. Dominis-
 cam, iuxta canones ac Sancti patrum decreta perpetuo in-
 cidere debeat, non verò hæc vel illa dies consideranda sit.
 In æquinoctio enim non in diebus versatur mysteriũ. Atq;
 hæc de prima forma, quæ sine reductione est. Secundæ for-
 mæ quæ per reductionem fit, prior species est; Si æquino-
 ctium vernum reducatur in sedem determinatam à Sino-

d

CORRECT. CALEN:

do Nicena ad xxj. Martij, per omissionem xj. dierum aue
x. ex sententia Aloysij, quibus ab eo tempore iam antici-
pauit æquinoctium vernum. Hæc in plures species subdi-
uiditur, alijs sc: intermissione intercalarium dierum per
xliij. annos, ex sententia Aloysij vero annis xl. vt corre-
ctio fiat, alijs vero vt vno anno instituaturs restauratio, con-
tendentibus, simulq; illi dies eximantur suadentibus, ne
scilicet diu in errore perseueret ecclesia. Formulæ huius
correctionis vtramq; speciem in deliberationem adducit
Aloysius, & pro priori facit auctoritas & ratio: auctori-
tas videlicet Augusti, qui annum Iulij Cæsaris imperitia
& negligentia Sacerdotum corruptum, intermissione in-
tercalarium correxit. Ratio, quod error vitio intercala-
tionis ortus, per propriam causam intercalarium redun-
dantium intermissionem, tollatur. Sed hæc formula suas
difficultates habet, veluti quod tollat memoriã intercala-
rium, seriem & mutationem literæ Dominicalis, seu vsum
cycli solaris euertat. Vt hinc alteram eius speciem exem-
tionis scilicet x. dierum, ex vno anno vnoq; mense Aloysi-
us ecclesiasticæ dignitati magis conuenire existimauerit.
Verum non inconuenienter hic moueri potuisset: Vtrū hæc
dignitas ecclesiastica tanti sit momenti ac ponderis, vt ci-
tra necessitatem, mundo iam senescente, & quasi decurso
post 1583. à Christo nato annos, x. dierum reiectionem
posset accusare, idque cum summa admiratione rudiusculæ
plebeculæ, ac nescio quo obligationum, contractuum ciuis

E ij lisq;

EXHORTATIO

*lisq; vite incommodo, hereticorū cachinnatione, annorū
 et temporum mutationem Christianorum S. Pont: Max:
 de Antiocho affingentium. Propheta dictum: In medio
 annorum uiuificabis illud si ad tempus, tam præcedens,
 quam subsequens Christum, tuto referri posset, ut Aloysius
 sensisse videtur, dum annos Christi in sua correctione ad
 v. millia extenderit aut: de perpetuitate mundi vera esse
 Peripateticorū sententia, maior esset eximendorum dierū
 ratio, ad restaurādos veris ac Brumæ terminos, ob Annun-
 ciationis Diuæ virginis, ac Natiuitatis Christi solemnita-
 tem mysteriumq;, Cum prorogatione decem dierum, aut
 etiam duodecim, seu quindecim, immo plurium, solemnita-
 tatis non tollatur mysterium, tam Incarnationis, quam
 Natiuitatis Christi. Nam Deo factō homine in æquinoctio
 vernali, omnia facta sunt noua, ut Durandus ait, in suo ra-
 tionali Diuin: quod quidem vno die non contingit, sed tem-
 pore vernali toto. Sic à Natali Domini dies prolongantur
 teste Durando, quia credentes in eo, ad æternitatis lucem
 vocantur, quod à Bruma ad solstitium vsq; locum habet.
 Dum itaq; quindecim circiter diebus, Annunciationis fe-
 stum in primum mensem vernalem incidens, æquinoctiū,
 & similiter post Brumam seu hyemale solstitium, Natiui-
 tas Christi Saluatoris sequatur, non soluitur mysterium,
 verno tempore tribus mensibus, sex verò solis ad nos acces-
 sus incremento, durante. Proinde nec Patres in sacrosan-
 cta Generali Synodo Basiliensi, septem dierum reiectione
Calen.*

CORRECT. CALEN:

Calendarium restaurari posse constituentes, Incarnationis aut Natiuitatis Domini rationem habuere. Cætera incommoda, quæ huic formulæ veteribus præ cæteris approbata, eueniunt, videlicet quod Septuagesima eueniret infra octauam Epiphaniae, & interuallum à natali Christi inter Dominicam, Esto mihi, non sit sufficiens celebrandis nuptijs, Præterea quod exorbitet à Regula priscorum patrum cum præsentī formulæ lunatio primi mensis, à xxv. Calend. Martij, vsq; in xxvj. Calendarum, Aprilis obseruanda foret, patribus, eam ab viij. idus Martij vsq; in nonas Aprilis obseruantibus, diluit D. Ioannes Stofflerinus Prop. xxxix. litera G. Verum quæ hæcenus de præsentī correctionis formulæ à nobis producta sunt, non eò adducta, ut aliquam formulæ approbatæ per S. D. N. Papam præferendam existimemus, sed solum, ut ostendamus, quæ doctorum hominum fuerit aliquando sententia & iudiciū de Calendarij correctione, antequam, vlla formulæ in Ecclesia correctionis Calendarij approbata esset. Vna autem iam recepta, eaq; approbata, cæteræ omnes silere, et approbata postponi debent. Quod autem omnes hic à nobis adductæ sint correctionis formulæ informationis gratia factū est, ut simplicioribus et in rebus sublimibus minus versatis perspicuum euadat, cur Calendarium corrigendum fuerit, & quam correctionis formulam præ cæteris, Sanctiss. Dominus potissimum approbarit, alijs omnibus in vniuersum reprobatis. Nam et dierum eximendorum rationem etiam

E ij

viris

EXHORTATIO

viris doctis placuisse constat, cum hæc ratio Casano Cardi-
 nali, & Harmanno Zestio Cisterciensi, non improbata
 fuerit, patribusq; in consilio Basiliensi non displicuerit, ut
 ex eius concilij decretis colligitur. Septem enim dies è
 Maio mense, anni Domini 1439. eximendos iudicauerunt,
 idq; haud dubiè, hac de caussa, non quod ignorarent anti-
 cipationem æquinoctiorum, sed ne literarum dominicaliũ
 ordinem interturbaret, Calendarium plane vetus destru-
 erent, quod mysterium non in diebus, sed tempore æquino-
 ctij versari iudicassent. Alterum autem modum secundæ
 speciei, quo æquinoctia aut ad Iulij Cæsaris ætatem, aut ad
 mortem Christi saluatoris reducenda, veteribus ignotum,
 Petrus Pitatus Veronensis Mathematicus, Pio iij. Ponti-
 fici proposuit, quem etiam Aloysius diebus solummodo
 xij. subtractis non improbare videtur. Qui talis est: Dies
 quatuordecim annis duobus, septem videlicet ab vnoquoq;
 subtrahendos, cum septem sint in anno Romano menses x-
 xxj. dierum, ut hi anni duobus tantum xxx. dierum fiât.
 Hic præter cæteros eam commoditatem habet, quod æqui-
 noctio suo vero termino, in quo circa Christi Saluatoris
 natiuitatem ac mortem hæsit, restituto, etiam incarnati-
 onis ac natiuitatis festum Brumæ, ac veris initio reddat,
 mysteriumq; quod habent, plenè ac perfectè instauret.
 Atq; hæ sunt formulæ, quibus tum veteres, tum huius æui
 Mathematici in correctione anticipationis æquinoctiorũ
 vtendum esse existimauerunt. Ne autem imposterum æ-
quino

CORRECT: CALEN:

quinoclia anticipent, talis ratio obseruanda. Videlicet ut centesimi quique anni, qui intercalares omnes esse solent, a tempore correctionis non omnes, sed tres primi quique, communes sint. Quartus vero quisque intercalaris sit. Ut ita 143. fere annis, vnus dies ob anticipationem æquinocliorum eximatur, firmaque sede æquinoclia in subsequens æuum conseruet. Huic correctioni non est, quod refrager aut resistam, cum ob approbatam nostro æuo aut superius declaratam Alphonsinam quantitatem, tum quod eam rationem non ab Aloysio tantum propositam, sed etiam à Pitato Mathematico traditam descriptamque, et ab alijs artificibus non improbatam esse conspiciam, ut hunc maxime iudicauerint, in æquinocliorum ab anticipationis errore conseruatione sequendum. Quod ad Cycli decemnoualis correctionem, restorationemque attinet, illa aut ex Petri Pitati Calendario correcto, ac Pio iij. Pontif. Max. destinato, aut ex tabulis Astronomicis iuxta Ioannis Lucidi sententiam, aut etiam ex Aloysij descriptione ac calculatione peti potest. æquinoclio itaque recto termino firmoque constituto, cuiusuis erit iuxta ordinationem Nicenæ synodi, diem Paschalis festiuitatis definire, quo definito cætera festa mobilia, determinatos suos sequuntur dies, iuxta computi Ecclesiastici vulgatam viam & rationem.

Hæc sunt Illustrissimi ac Reuerendissimi Principes, Domini mei Clementissimi, quæ mihi pro presentis negotij declaratione, & Calendarij correctione, hoc tempore potissimum

EXHORTATIO

potissimum in medium adferenda esse videbantur, quo
vestras Illustriss. ac Reuerendiss. Celsitudines, ad corre-
ctionem necessario instituendam exhortarer atq; admone-
rem. Quæ tanto facilius & expeditius in vestris regioni-
bus et prouincijs introduci poterit, quod vicina prouinciæ
Belgicæ, eam receperint & approbarint, ne dicam ciuita-
tem Aquensem, quæ intra fines ac terminos Iuliaci Duce-
tus sita est, eam proprio motu recepisse, non pro reuerentia
tamen sedis Apostolicæ, sed pro reformatarum Ecclesiarum
(vt Vocant) ad quas respicere uidentur, usu & appro-
batione. Huc accedit quod, per Italiam & Regnum Polo-
niæ similiter introducta sit, Et in eo, à S. D. N. pontifi-
ce maximo laboretur, uti Roma ad nos perlatum, ut orien-
talis Ecclesiæ presules, qui etiamnum supersunt, eandem
recipiant atq; exequantur, & nouæ Ephemerides, ut su-
perius declaratum ad hypoteses recentiores & correctiores
calculatæ atq; descriptæ, Sanctissimo Domino Pontifici
Max. dedicatæ sint, ut hinc iuxta reformatum Calendari-
um Diaria constitui et cætera ad eam rem necessaria peti
possint. His Deo opt. Max. vestras Illustrissimas ac Re-
uerendissimas Celsitudines, diu saluas & incolumes ad
Christianæ Reipublicæ salutem, pacem, concordiam, &
tranquillitatem commendo.

GREGORIUS EPISCOPVS SERVVS
SERVORVM DEI AD PERPETVAM
REI MEMORIAM.

Iter grauiſſimas paſtoralis officij noſtri curas, ea poſtrema non eſt, vt, qua à ſacro Tridentino concilio Sedi Apoſtolicæ reſeruata ſunt, illa ad finem optatum, Deo adiutore, perducantur. Sane eiſdem Concilij Patres, cum ad reliquam cogitationem Breuiarij quoq; curam adiungerent, tempore tamen excluſi rem totam ex ipſius Concilij decreto ad auctoritatem & iudicium Romani Pontificis retulerunt. Duo autem Breuiario præcipue continentur, quorum vnum preces, laudesq; diuinas, feſtis, profeſtisq; diebus perſoluendas complectitur: alterum pertinet ad annuos Paſchæ, feſtorumq; ex eo pendentium recurſus, Solis & Lune motu metiendos: Atq; illud quidem felicitis recordationis Pius V. prædeceſſor noſter abſoluendū curauit, atq; edidit: Hoc vero, quod nimirum exigit legitimam Kalendarij reſtitationem, iamdiu à Romanis Pontificibus prædeceſſoribus noſtris, & ſepius tentatum eſt, verum abſolui, & ad exitum perducere ad hoc uſq; tempus non potuit: quòd rationes emendandi Kalendarij, qua à celeftium motuum peritis proponerentur, propter magnas, & fere inextricabiles difficultates, quas huiſmodi emendatio ſemper habuit, neq; perennes erant, neq; antiquos Eccleſiaſticos ritus incolumes (quod in primis hac in re curandum erat) ſeruabant. Dum itaq; nos quoq; credita nobis licet indignis à Deo diſpenſatione freti, in hac cogitatione curaq; verſaremur, allatus eſt nobis liber à dilecto filio Antonio Lilio artium & medicine doctore, quem quondam Aloyſius eius germanus frater conſcripſerat, in quo per nouum quendam Epactarum Cyclum ab eo excogitatum, & ad certam ipſius Aurei numeri normam directum, atq; ad quamcumq; anni ſolaris magnitudinem accommodatum, omnia qua in Kalendario collapſa ſunt, conſtanti ratione, & ſeculis omnibus duratura, ſic reſtitui poſſe oſtendit, vt Calendarium ipſum nulli vnquam mutationi in poſterum expoſitum eſſe videatur. Nouam hanc reſtituendi Calendarij rationem exiguo volumine

F
comprehenſam

comprehensam ad Christianos Principes, celebrioresq³, uniuersitates paucos ante annos misimus, ut res, quae omnium communis est, communi etiam omnium consilio perficeretur: illi cum, quae maxime optabamus, concordēs respondissent, eorum nos omnium consensione adducti, viros ad Kalendarij emendationem adhibuimus in alma Urbe harum rerum peritissimos, quos longe ante ex primariis Christiani orbis nationibus delegeramus: ij cum multum temporis, & diligentia ad eam lucubrationem adhibuissent, & Cyclos tam veterum, quam recentiorum vndiq³, conquisitos, ac diligentissime perpensos inter se contulissent, suo, & doctorum hominum, qui de ea re scripserunt, iudicio, hunc praeceteris elegerunt Epactarum Cyclum, cui nonnulla etiam adiecerunt, quae ex accurata circumspectione visa sunt ad Kalendarij perfectionem maxime pertinere.

Considerantes igitur nos, rectam Paschalis festi celebrationem iuxta sanctorum Patrum, ac veterum Romonorum Pontificum, praesertim Pij & Victoris Primorum, necnon magni illius oecumenici Concilij Niceni, & aliorum sanctiones, tria necessario coniungenda, & statuenda esse, primum certam Verni aequinoctij sedem, deinde rectam positionem xiiij. Lunae primi mensis, quae vel in ipsum aequinoctij diem incidit, vel ei proxime succedit, postremo primum quemq³ diem Dominicum, qui eandem xiiij. Lunam sequitur: curauimus non solum aequinoctium Vernum in pristinam sedem, à qua iam à Concilio Niceno decem circiter diebus recessit, restituendum, & xiiij. Paschalem suo in loco, a quo quatuor, & eo amplius dies hoc tempore distat, reparendam, sed viam quoq³, tradendam & rationem, qua cauetur, ut in posterum aequinoctium, & xiiij. Luna à propriis sedibus numquam dimoueantur. Quo igitur Vernū aequinoctium quod à Patribus Concilij Niceni ad xij. Kalend. Aprilis fuit constitutum, ad eandem sedem restituatur: Praecipimus, & mandamus, ut de mense Octobri anni 1582. decem dies inclusive à tertia Nonarum vsq³, ad pridie Idus eximantur & dies qui festum S. Francisci iij. Nona. celebrari solitum sequitur, dicatur Idus Octobris, atq³, in eo celebretur festum SS. Dionysij, Rustici, & Eleutherij martyrum, cum commemoratione S. Marci

S. Marci papa & confessoris: & SS. Sergij, Bacchi: Marcelli, & Apuleij martirum. Septimodecimo vero Kal. Nouembris, qui dies proxime sequitur, celebretur Festum S. Callisti Papa & martyris. Deinde xvi. Kal. Nouembris fiat officium & Missa de Dominica xvij. post Pentecosten, mutata litera Dominicali G. in C. Quintodecimo denique Cal. Nouemb. dies festus agatur S. Lucae Euangelistae, à quo reliqui deinceps agantur festi dies, prout sunt in Kalendario descripti.

Ne vero ex hac nostra decem dierum subtractione alicui, quod ad annuas vel menstruas praestationes pertinet, praerudicium fiat, partes rudicum erunt in controuersis, quae super hoc exorta fuerint, dictae subtractionis rationem habere, addendo alios x. dies in fine cuiuslibet praestationis.

Deinde ne in posterum à xij. Kal. April. equinoctium recedat, statuimus Bissextum quarto quoque anno (uti mos est) continuari debere, praeterquam in centesimis annis: qui quamuis Bissextiles antea semper fuerint, qualem etiam esse volumus annum. 1600. post eum tamen, qui deinceps consequentur centesimi, non omnes Bissextiles sint, sed in quadringentis quibusque annis primi quique tres centesimi sine Bissexto transigantur, quartus vero quisque centesimus Bissextilis sit, ita ut Annus 1700. 1800. 1900. Bissextiles non sint Anno vero 2000. more consueto dies Bissextus intercalietur, Februario dies 29. continente, idemque ordo intermittendi, intercalendique Bissextum diem in quadringentis quibusque annis perpetuo conseruetur.

Quo item xiiij. Paschalis recte inueniatur itemque dies Luna iuxta antiquum Ecclesiae morem ex Martyrologio singulis diebus ediscendi fidei populo vere proponantur: statuimus, ut amoto aureo numero de Kalendario, in eius locum substituatur Cyclus Epactarum: qui ad certam (uti diximus) aurei numeri normam directus efficit, ut nonilunium, & xiiij. Paschalis vera loca semper retineant, idque manifeste apparet ex nostri explicatione Kalendarii, in quo descripta sunt etiam tabulae Paschales secundum priscum Ecclesiae ritum, quo certius & facilius sacrosanctum Pascha inueniri possit.

F ij

Postremo

Postremo quoniam partim ob decem dies de Mense Octobri anni 1582. (qui correctionis annus recte dici debet) exemptos, partim ob ternos etiam dies quolibet quadringentorum annorum spatio minime intercalandos, interrumpatur necesse est Ciclus literarum Dominicalium. 28. annorum ad hanc usque diem usitatus in Ecclesia Romana, Volumus in eius locum substitui eundem Cyclum 28. annorum ab eodem Lilio tum ad dictam intercalandi Biffexti in centesimis annis rationem, tum ad quamcumque anni solaris magnitudinem accommodatum: ex quo litera Dominicalis beneficio Cycli solaris aequè facile, ac prius, ut in proprio canone explicatur, reperiri potest in perpetuum.

Nos igitur ut quod proprium Pont. Max. esse solet, exequamur, Kalendarium immensa Dei erga Ecclesiam suam benignitate iam correctum atque absolutum hoc nostro decreto probamus, & Roma una cum Martyrologio imprimi, impressumque divulgari iussimus. Ut vero utrumque ubique terrarum incorruptum, ac mendis erroribus purgatum seruetur, omnibus in nostro & sanctae Romanae Ecclesiae dominio mediate vel immediate subiecto commorantibus impressoribus subamissionis librorum, ac centum ducatorum aur. Camerae Apostolicae ipso facto applicandorum: alijs vero in quacunque orbis parte consistentibus sub excommunicationis latae sententiae, ac alijs arbitrii nostri poenis, ne sine nostra licentia Kalendarium, aut Martyrologium simul vel separatim imprimere, vel proponere, aut recipere ullo modo audeant vel praesumant, prohibemus.

Tollimus autem, & abolemus omnino vetus Kalendarium, volumusque, ut omnes Patriarchae, Primate, Archiepiscopi, Episcopi, Abbates, & ceteri Ecclesiarum Praesides, novum Kalendarium (ad quod etiam accommodata est ratio Martyrologij) pro diuinis officijs recitandis, & festis celebrandis in suas quisque Ecclesias, Monasteria, Conuentus, ordines, militias & dioeceses introducant, & eo solo utantur tam ipsi, quam ceteri omnes presbyteri, & clerici saeculares, & regulares viriusque sexus: nec non milites, & omnes Christi fideles, cuius usus incipiet post decem illos dies ex mense Octobri anni 1582. exemptos: ijs vero, qui adeo longinquas incolunt regiones, ut ante praescriptum

scriptum

scriptum à nobis tempus harum literarum notitiã habere non possint: liceat eodem tamen Octobri mense insequentis anni. 1583. vel alterius, cum primum scilicet ad eos hæc nostræ literæ peruenerint, modo à nobis paulo ante tradito eiusmodi mutationem facere: ut copiosius in nostro Kalendario. anni correctionis explicabitur.

Pro data autem nobis à Domino auctoritate hortamur, & rogamus charissimum in Christo filium nostrum Rodolphum Romanorum Regem Illustrem in Imperatorem electum, ceterosq; Reges, Principes, ac Respublicas, isdemq; mandamus, ut quo studio illi a nobis contenderunt, ut hoc tam præclarum opus perficeremus: eodem immo etiam maiore ad conseruandam in celebrandis festiuitatibus inter Christianas nationes concordiam, nostrum hoc Kalendarium & ipsi suscipiant, & à cunctis sibi subiectis populis religiose suscipiendum inuiolateq; obseruandum curent.

Verum quia difficile foret presentes literas ad uniuersã Christiani orbis loca deferri, illas ad Basilicæ Principis Apostolorum, & Cancellariæ Apostolicæ ualuas, & in acie Campi Floræ publicari & affigi, & earundem literarum exemplis, etiam impressis & voluminibus Calendarij, & Martyrologij insertis, & præpositis, siue manu tabellionis publici subscriptis, necnon sigillo personæ in dignitate Ecclesiastica constitutæ obsignatis, eandem prorsus indubitatam fidem ubiq; gentium & locorum haberi præcipimus, quæ originalibus literis exhibitis omnino haberetur. Nulli ergo omnino hominum liceat hanc paginam nostrorum præceptorum, mandatorum, statutorum, voluntatis, probationis, prohibitionis, sublationis, abolitionis, hortationis, & rogationis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri & Pauli Apostolorum eius se nouerit incursum.

Datum Tusculi Anno Incarnationis Dominicæ M. D. LXXXI.
Sexto Cal. Martij. Pontificatus nostri Anno Decimo.


Ca. Glorierius.

A. de Alexiis.

Anno à Natiuitate Domini Nostri Iesu Christi Millesimo quin-
gentesimo octuagesimo secundo. Indictione decima, Die vero Io-
uis prima mensis Martij, Pontificatus vero Sanctissimi in Christo
patris, & D. N. Gregorij diuina prouidentia Papa X I I I. anno eius
decimo: Retroscripta litera Apostolica publicata & affixa fuerunt in
Valuis principis Apostolorum de Urbe, & Cancellaria Apostolica, ac
in acie Campi Floræ, ut moris est, per me Scipionem de Octauianis
Apostolicum Cur.

Franciscus Baron Magister Cursorum.

Si correctio instituatyr anno 1583. dies festiuitati S. Franciscus
succedens dicatur Idus Octobris. siue dies 15. Octobris & in eo celebre
tur festum S. S. Dionysii, Rustici, & Eleutherij Mart. cum comm. S.
Marci Papa & Confess. & SS. Sergij, Bacchi, Marcelli, & Apuleij
Mart. Die vero proxima, quæ est 16. Octob. diciturq; xvij. Cal. No-
uemb. fiat officium & missa de Dominica xx. post Pentecosten, quæ erit
Dominica tertia Octob. mutata litera Dominicali f. in b. Die deinde
sequente quæ est 17. Octo. diciturq; xvi. Cal. Nouemb. dies festus aga-
tur S. Calisti Papa & Marty. Die vero 18. Octob. siue xv. Calen.
Nouemb. celebretur festum S. Luca Euangeliste: & ab hac die inclu-
siue reliqui festi dies agantur, ut in Calendario sunt descripti. Itaq; an-
no 1583. post detractionem x. dierum de mense Octobri erit litera Do-
minicalis b, Epacta autem vij. & litera Martyrologij g, minusc.





38 $\frac{2}{K, 12}$

AB: 38 $\frac{2}{K, 12}$

X2200545_{SB}





EXHORTATIO
DE EXEQVEN-
DA CALENDARIICORRECTONE,
QUAM S. D. N. GREGORIUS XIII. PONT.
MAX. AEDI, PROMVLGARI ET PER ITALIAM
cæterasq; orbis Christiani partes Anno
M.D.lxxxij obseruari mandauit.

AD SACRAM CAESAREAM MAIE-
STATEM, IMPERII ELECTORES AC PRIN-
cipes, *cæterosq; status: imprimis verò ad Illustrissimos ac Reueren-*
dissimos Principes ac Dominos, D. Ernestum Episcopum Leodien-
sem, Administratorem Hildesheymensem & Freisingensem, Comi-
tem Palatinum Rheni & Ducem Banariae &c. Item D. Iohannem
Uilhelmum, Postulatum Administratorem Monasterien-
sem, Iulia, Cluia & Montium, &c. Ducem hæ-
reditarium, Dominos suos clemen-
tissimos, directa & scripta.

Per Theodorum Graminæum, Philosophiæ Doctorem, I. Licen-
tium, Illustrissimi ac Reuerendissimi Principis ac Domini,
D. Iohannis wilhelmi Administratoris Monaste-
riensis &c, Consiliarium.

DVSSELDORPII
Excudebat Albertus Busius. Anno 1585.